

畿輔通志卷二百六十一

列傳六十九 列女十七

國朝十一

河間

獻縣

國朝

河間府

河間縣

賈太初妻沈氏孝事孀姑太初明季官襄陽令殉國難氏年二十餘子維英九歲被賊掠氏百計尋訪得之夫祀賴以不

絕苦節四十餘年

縣志

李輝生妻邊氏年二十四夫亡誓死事姑教子昆及孫維鑒遊庠食餼守節六十餘年

同上

武庠生韓文光妻左氏崇禎間夫死於兵氏年二十五投井以殉救之得不死撫三子皆成立以節終

康熙志兼
採縣志

張景陽妻苑氏早寡守節孝親撫孤年八十有四卒

康熙志

梁孟冬妻李氏夫亡撫子臣娶婦郝氏臣卒郝撫孤朝相娶

吳氏相又卒吳撫孤禹甸以守李年八十四郝年八十一俱

以節終時稱梁門三節

大清一統志
兼採康熙志

諸生魏志高妻蔡氏夫亡撫孤紡績度日教子琰入庠守節

八十一年卒

府志

張崇孝妻崔氏夫卒撫孤紡績孝事舅姑教子孫俱成立守

節四十六年

雍正志兼
採府志

常命新母李氏夫亡矢志堅貞鞠子新成立艱苦備嘗當道

旌其門

府志

諸生白調鼎妻及氏鼎殉城難氏年二十三紡績撫孤瑤入

庠守節三十年

同上

楊梯妻郝氏夫亡守節孝事翁姑姑病禱天乞代年逾八十樂善好施全活甚眾當道屢旌其門

縣志

孟三聘妻牛氏年二十餘夫亡撫孤守節善事翁姑歷四十年如一日屢經兵燹勵節彌堅鄉里咸欽敬之

府志

劉智忠妻孔氏夫亡無子守節三十年清操無玷鄉里咸欽

敬之

康熙志

許光裕妻胡氏年二十九夫亡守節屢經兵燹清操無玷撫

孤成立

雍正志

陳國恩妻李氏年二十二夫亡矢志撫孤維新成立守節四十年又田國翰妻李氏年二十二夫亡守貞不二撫孤耀光入庠以節終

譚文柱妻李氏文柱遠出不歸氏勤女工孝養舅姑終身或

傳文柱已死諷他適誓志不從卒年七十病篤出所積囑隣

媼爲治殮葬日勿煩鄰里憐我也

縣志

李文秀妻陳氏順治五年土寇竊發氏被賊執欲污之罵不

絕口賊怒鞭其背扶之上馬以頭觸地罵愈厲賊刃之

大清一

統志參考雍正志及縣志

許養元妻孫氏順治六年兵變被掠欲污之罵不絕口賊呼

眾強持之罵愈厲賊怒抽刃洞其腹死

同上

謹案李文秀妻陳氏許養元妻孫氏并見東光縣志附此

待攷

副貢生左印全妾徐氏年二十八夫亡未幾二子亦俱夭殤

母家勸他適矢死不從守節五十餘年

府志兼採縣志

劉守益妻賈氏早寡家貧訓子傳忠入庠守節五十三年當

道旌其門

庠生劉喆妻張氏年二十九夫亡撫孤成立守節四十三年
庠生熊廷賓妻高氏年二十二夫亡撫孤守節五十餘年庠
生何念祖妻夏氏年二十四夫亡撫孤守節五十餘年卒當
道并旌其門

俱同上

李士佑妻韋氏年十九夫亡守節躬勤紡績撫子文明成立

邑令表其門

府志

進士馮賁徵長子婦成氏交河人父爲金陵守備年二十五
夫亡撫孤守節學使陳以匾旌之

孫魁標妻劉氏年二十四夫亡子玉璽僅三齡撫之成立守
節五十年邑令表其門

馮廷箴妻夏氏夫亡撫側室王氏子玘若已出教養兼至守

節四十三年

夏陳常妻左氏夫亡守節四十年陳煥九妻李氏年二十七夫亡撫孤孫天樞入庠守節四十年學使吳各表其門

賈化龍妻韓氏年二十一夫亡孝事舅姑撫嗣子如己出守節三十年

庠生孫奇儀妻賈氏年十五于歸孝事舅姑相夫教子年二十九夫亡守節學使吳表其門

俱同上

黃鼎妻張氏年二十四夫亡撫嗣子夢齡成立紡績守節三十餘年邑令旌其門

府志兼採縣志

左印奇繼妻王氏雄縣王企靖姊少好學能詩以賢淑稱印奇官粵東恩平令卒於任氏扶柩歸葬康熙中

朝廷知其名欲如南齊韓蘭英唐宋若昭故事聘爲宮中師固

辭以疾企靖幼學於其姊雖長且貴尚嚴敬焉壽八十有七

卒

縣志李之曄左大夫人墓誌略王孺人字淑昭河間副憲左公仲子婦文林郎庸庵公之繼室也父忻贈刑部右

侍郎世爲雄州望族當明末流寇猖獗遂偕夫人孫氏避亂江左以順治壬辰夏生孺人於六合之黃公河幼具夙慧穎異絕倫而性復純孝甫三歲偶檢案頭書輒色喜母曰兒嗜此耶因口授數帙瀏然成誦贈君以才華非女子所尚嘗戒止之孺人乃竊從諸兄問字終日默誦漸以己意測句讀觸類引伸不數年能通經史會州境多盜贈君攜眷屬徙山中借宿李氏家孺人問曰李與吾親乎友乎贈君曰否乃難中倉卒相就耳孺人曰嫌隙之際雖倉卒當裁以義兒死不敢出也卒與贈君徙之廢廟而托處焉年十三母見背晝夜哀泣幾不欲生當是時仲兄旋里三兄哭母繼亡四弟甫七歲五弟三歲一妹五歲內無姑姊之依外無姻戚之助偏親在堂兩柩停室弟妹小弱家計蕭然孺人乃勉強節哀以一身任肩厥事備歷諸艱而內外肅然一日比鄰火風迅焰熾延澆將及時贈君在館未歸孺人度不免率弟妹扶柩前哭以待斃餒而返風滅火成歎爲孝感所致云孺人既失恃雖諸務勞心而誦讀益勤贈君稔其樂此也因取數卷試之皆朗誦無訛又問及性理諸書疏解明通卓有見地贈君驚喜曰不意紹書香者乃在汝耶遂以兩弟一妹受學焉後四弟殤五弟企靖乙丑成進士官居清要一妹適李氏亦稱博學同受知於

聖祖仁皇帝皆孺人教學之功也先是戊午

歲孺人從贈君北歸時年已逾笄猶守貞不字庸菴公聞其
賢蹇修求聘贈君亦稔知庸菴公學有淵源遂許焉既成禮
互叩學業相視莫逆詩文唱和無虛日而總理家政纖細俱
中法程歲時奉先必躬必潔嘗以不獲生事為憾輒飲泣蓋
其天性篤孝然也庚申庸庵公授廣東恩平令偕往抵梅嶺
恍悟贈君來別泣告曰父將棄予而逝耶已而果然其精誠
所感若此既抵任值兵燹之餘草竊未靖民多罹法者孺人
謂公曰顰髀非斧斤不解是未可以芒刃試也於是捕盜懲
奸扶良植弱宣示朝廷德化數月民俗一變又建書院培
育人材士風丕振蒞任化行俗美孺人內助之力居多癸亥
解組歸林下壬申再補河南涉縣令孺人斟酌佐理如在恩
平蒞任十三年稱循良者輒屈一指尋以老病卒於官孺人
率子扶柩以歸臥輟哭送者數千人壬辰五弟企靖登顯秩
慮政有關敦請孺人至京以咨疑難剖決如流尋擢刑部右
侍郎時有大讞未協上命九卿會訊靖請於孺人孺
人曰吾於此案籌之熟矣但依吾言自當立判及訊果服
上大喜企靖伏奏此臣姊淑昭所教也上驚異
日婦人有此卓識殊可嘉耳時仁皇帝以天縱之聖
治太平之基萬幾清宴與詞臣數英揆藻追唐虞賡歌拜賜
之盛適外域遣使賦詩上頌命羣臣屬和靖祈孺人
代成二律以獻大蒙嘉賞復以實奏上由是益知孺
人之德與學矣踰數月詔為六宮女師遣官賁金帛
為聘孺人以老聃不敢奉詔撰陳情表上省
覽良久允其請益重其品焉辛丑企靖有江右撫軍之命仍

請同行每事必咨或稍有不合必退述父命呵戒之故綏理數年吏治民風駸駸日上甲辰始北旋時孺人年逾七旬矣數十年身厠中閨而經理皆係國家重務隨所指授多奏膚功蓋由熟習經史深造自得於歷代名臣循吏是非成敗與夫方輿之情偽變態久諸胸中無些子障礙故也戊申七月子方煥授河南確山令請以安輿奉母往孺人諭之曰曩汝父令粵東河朔時偕往汝舅撫江右我亦往今老矣不耐跋涉之勞非能忘若也但視國事如家事愛民如赤子逾祿養多矣煥拜泣而別及蒞任咨詢利弊一遵母命以不工取悅匝月而罷比歸孺人曾不介意惟含飴課諸孫而已孺人生平仁恕居心篤於友愛酷嗜書終身未嘗釋卷自經史子集以及雜錄瑣記靡不畢覽尤究心於廿一史逐卷皆能默識嘗謂吾一生學識盡出於此方十齡下筆千言立就博奧宏深不能窺其所際素惡佛老言惟以義理養心爲本終日凝神定志悠然浩然與造物者爲徒七旬後齒重生耳目聰明髮無半白感微恙端坐而逝國朝滄州詩鈔

邱俊妻于氏年十六于歸甫一載而寡孝養重闈喪葬盡禮

撫夫幼弟和睦宗族守節三十餘年

府志

孫明方

府志作方明

妻韓氏年二十九夫亡矢志紡績撫孤守節

三十一年

縣志

馬鳴傑妻王氏夫亡守節三十年教子世科入泮學使吳表

其門

府志

程志道妻王氏性端淑寡言笑幼以孝稱年十七于歸克盡婦道二十九夫亡守節訓子斌入泮學使錢表其門

諸生郭梓妻邊氏孝事舅姑年二十一夫亡矢志撫孤橫逆時至閉戶謝之子早逝與孀媳撫孫守節終身

趙某妻薛氏年二十五夫亡其子婦劉氏年二十六夫亡姑媳相依守節劉某妻趙氏年二十三夫亡撫嗣子針紉自給以上各守節五十餘年學使錢并旌之

魏朝用妻畢氏年二十一夫亡舅姑年耄子甫週齡以事育爲已任守節不渝學使吳表其門

武舉哈起妻金氏早寡趙國極妻高氏年二十八亦寡均矢

志撫孤守節高卒年八十有一金以節終并由學使表其門
趙國楹妻越氏年二十三夫亡撫姪爲嗣李方信妻王氏年
二十八夫亡孝養孀姑教子守節邑令并旌之

監生甄綜妻王氏夫亡撫孤守節三十六年邑令表其門

俱同

上

郭永新妻劉氏年十七于歸越歲夫亡父母勸他適誓死不
從紡績養親撫子登龍成立邑令吳表其門

縣志

左鏐繼妻韓氏年二十一夫亡善事舅姑撫前室子維賢成

立娶婦熊氏早寡遺二子矢志撫之守節終身

同上

楊振邦妻劉氏年二十二夫亡撫孤守節并撫夫幼弟成立

年五十有五卒

府志

生員張廷瑞妻張氏侍舅姑得其歡心年二十四舅與夫相

繼歿時祖姑年八十姑年六十族人利其產逼令改適氏執

節不屈孝養兩世孀姑養葬盡禮撫子登庸成立

縣志

左璣妻李氏年二十八夫亡紡績自給母家勸改適不從茹苦訓子維祺入泮守節四十餘年

杜煒妻淩氏年二十四夫亡撫孤紡績事舅姑病十數年奉湯藥罔懈守節三十餘年

金銑妻賈氏年二十五夫亡孝事舅姑撫姪南金若已出學使徐表其門

馬朝鳳妻鄧氏年十九夫亡紡績以養舅姑撫孤成立守節三十餘年武庠生陳廷獻妻楊氏年十八夫亡以姪爲嗣守節三十餘年

陳璵妻趙氏年十九夫亡孝事翁姑撫嗣子成立勵節終身

學使徐表其門

周文學妻李氏隣惡周從興乘間逼之不從被毆死康熙四

十年旌

俱同上

劉執玉妻張氏夫傭於外氏事姑至孝晨夕不離姑怒或擊其面每笑承之終身孝敬不衰時以爲難

府志

貢生左印恂妻劉氏太倉州人年二十九夫亡茹苦教子守

節五十六年乾隆六年旌

縣志

徐勤學妻金氏年二十四夫亡無子家貧事姑至孝守節五

十二年乾隆六年旌

同上

齊邦畿妻紀氏年二十四夫亡翁姑年耄孝敬不衰撫子成

立孫入泮守節三十餘年乾隆九年旌

府志兼
採縣志

李羸妻繳氏年二十三夫亡家貧父母勸改適嚙指以誓撫

子成立又曹果妻高氏年二十五夫亡守節四十年均已旌
縣志

貢生李元馨妻朱氏年二十五夫亡撫孤大章成立訓以義
方孀姑金氏病篤奉湯藥衣不解帶者五閱月歿哀毀骨立
守節五十一年乾隆九年旌

庠生白柔惠妻劉氏年二十四夫亡矢志不二朝夕必祭如
生時守節五十四年乾隆九年旌

董之久妻高氏年二十八夫亡侍奉孀姑養葬盡禮苦節四
十餘年乾隆十年旌

楊希賢妻盧氏年十六于歸二十六夫亡撫孤守節五十餘
年乾隆十二年旌

張復禮妻李氏年二十八夫亡無子孝養舅姑守節四十一

年乾隆十二年旌

陳玉龍妻薛氏年二十六夫亡紡績養姑撫孤成立守節五十年乾隆十二年旌

李若麟妻左氏幼讀書知大義年二十八夫亡事姑養葬盡禮守節三十八年乾隆十三年旌

俱同上

苑九思妻梁氏年二十七夫亡家貧紡績奉姑教子成立守節四十一年乾隆十五年旌

府志

李天祐妻韋氏年二十一夫亡孝養翁姑不以貧廢禮撫孤守節五十七年乾隆十五年旌

縣志

孝廉戈全倫妾竇氏山左儒家女年二十四生子璘甫四月而寡或勸改適氏撫棺長號截髮明志璘長官樂亭教諭守節三十年乾隆十六年旌

張用行妻左氏年二十一夫亡家貧奉孀姑曲盡其孝教子守節三十餘年乾隆十七年旌

林之正妻生氏夫亡無子紡績養姑生歿盡禮年七十卒乾隆十七年旌

丁鐸妻李氏年二十七夫亡孝事孀姑凍餒自甘撫幼子成立乾隆十七年旌

徐大黑妻孫氏隣惡徐四圖姦未成羞忿自縊乾隆十九年旌

劉國聰妻董氏十七于歸二載而寡親操井日奉侍孀姑撫孤成立守節四十餘年乾隆二十年旌

方敏政妻岳氏年二十四夫亡家貧孝事翁姑子文亮妻曹氏早寡同志守節各三十餘年乾隆二十年并旌

崔可奉妻王氏宋三乘間逼姦以死扼之不辱身死乾隆二十年旌

張紹宗妻章氏年二十五夫亡孝事舅姑撫孤守節三十餘

年乾隆二十一年旌

俱同上

韓祥輝妻孟氏年二十六夫亡家貧紡績奉姑生歿盡禮撫

孤成立乾隆二十二年旌

府志

高進妻馬氏年二十六夫亡紡績撫嗣成立守節三十餘年

乾隆二十三年旌

諸生冀北英妻趙氏年十九于歸甫三月而寡撫遺孤成立

孝養舅姑處家以睦乾隆二十三年旌

左湛妻劉氏年二十八夫亡孝事繼姑撫孤成立守節三十

餘年乾隆二十四年旌

俱同上